

Kyrkjebladet for **VAKSDAL**

79. ÅRG. / NR. 2 - 2024



Vår mann på Moster!
Side 6

Vegen-sidene
Side 8-11

Bilete av konfirmantane
Side 12-13

www.kyrkja.no/vaksdal

DEN NORSKE KYRKJA I VAKSDAL**Kyrjekontoret for Vaksdal**

Pb 113, Fabrikkvegen 3, 5721 Dalekvam

Tlf 56 59 39 20 (felles for alle tilsette)

E-post: kyrjekontoret.vaksdal@kyrkja.no

Ekspedisjonstid: Tys. og ons. kl. 11-14**Kyrkjeverje Bjart-Magnus Ndogo Rosvold**

Mobil 97 69 75 62. / E-post: br233@kyrkja.no

Sokneprest Edvard Bø

Prest i Vaksdal og Stamnes sokn

Mobil 90 84 06 24 / E-post: eb447@kyrkja.no

Sokneprest Frode Kvamsøe

Prest i Dale, Eksingedalen, Bergsdalen

og Nesheim sokn

Mobil: 90 19 65 14 / E-post: fk796@kyrkja.no

Trusopplærar Kristin Straume Normann

Mobil: 95 76 63 79 / E-post: ka263@kyrkja.no

Organist Ruben S. Gjertsen

Mobil: 92 45 20 98 / E-post: rg794@kyrkja.no

Organist Frode R. Vik

Mobil: 95 26 20 84 / E-post: fv586@kyrkja.no

Vaktmeister Ottar Dalseid

Mobil: 97 67 46 16 / E-post: od622@kyrkja.no

Kyrkjelydssekretær Martin V. Kvamsøe

Tlf 56 59 39 20 / E-post: mk279@kyrkja.no

Samtale med presten

Prestane står til disposisjon for samtale.

Avtal helst på førehand.

Prestane har teieplikt.

Informasjon om gudstenester,
konfirmanntida og Kyrkjebladet finn du på
www.kyrkja.no/vaksdal

GATEADRESSER:**Bergsdalen kyrkje:** Bergsdalsvegen 1065**Dale kyrkje:** Kyrkjegata 1**Eidsland kapell:** Eidslandsvegen 2014**Eksingedalen kyrkje:** Sørlandsvegen 10**Nesheim kyrkje:** Nesheimsvegen 31**Stamnes kyrkje:** Grupevegen 19**Vaksdal kyrkje:** Vaksdalsgarden 34**VIPPS**

Bergsdalen sokn 552521

Dale sokn 525329

Eksingedalen sokn 706003

Kyrkjeleg fellesråd 94073

Nesheim sokn 548798

Stamnes sokn 524776

Vaksdal kyrkje 137194

Vegen / Trusopplæringa 514111



**Stoff til neste nummer må vera kome
inn til 20. august 2024.**



*Dei tilsette og sokneråda i kyrkjelydane
i Vaksdal ynskjer dykk alle ein*

GOD SOMMAR!

Unngå tørketid – kom til gudsteneste!

**Fellesrådsleiar:**

Lars Patterson, tlf 91 88 78 25 /

e-post: lars.patterson@vetlejord.com**Soknerådsleiarar:**

Bergsdalen: Kari Kristin Hopperstad Rødland, tlf 97 79 19 43

Dale: Eli Leiren, tlf 99 32 53 53

Eksingedalen: Kari Brørvik, tlf 99 48 59 18

Nesheim: Gøril Kvinge Nesheim, tlf 93 05 46 36

Stamnes: Bjørn Stamnesfæt, tlf 41 41 33 51

Vaksdal: Tove Margrete Nordmark, tlf 99 64 23 17

Den norske kyrkja si heimeside: www.kyrkja.no**Björgvin bispedømme si heimeside:** www.kyrkja.no/bjorgvin**Bibelen på nett:** www.bibel.no**KYRKJEBLADET FOR VAKSDAL**

Utgevar: Sokneråda i Vaksdal

Bladpengar: kr 250,-

Annonsepris: kr 4,- pr. sp.

Avgiftsfritt.

Bankgiro: 3500.07.05800

Bladstyarar: Kyrkjeverja i Vaksdal**Grafisk utforming:** Vaksdalposten**Kasserar:** Vaksdal Kyrkjelege Fellesråd, boks 113, 5721 Dalekvam**Eksp. og trykk:** RKGrafisk, tlf 99 21 42 00**Retur til:** Kyrjekontoret for Vaksdal, Pb. 113, 5721 DalekvamKyrkjeblader frå 1971 og framover kan lesast på: kyrkja.no/vaksdal

*Bilete på framsida: Fossegrimen sitt prosjektkor syng i Dale kyrkje
6. juni, då det var konsert for fullsett kyrkje i samband med kantor
Lars Ragnvaldsen sin 80-årsdag i sommar. Foto: Anna Ilnitska*



Legg vinn på alt som godt er

«Til slutt, sysken: Alt som er sant, og alt som er ære verdt, alt som er rett, og alt som er reint, alt som er verdt å elska, og alt som er verdt å akta, ja, alt som er til glede og alt som fortener ros, legg vinn på det!»

Paulus sitt brev til Filipparane 4.8

Paulus skriv brev til kyrkjelydane han har vore med å grunnleggja. Korleis det går med dei? Han tek opp vanskelege stridstema. Han åtvarer mot alt det som ikkje gagnar fellesskapen. Først og fremst oppmodar han dei til å halde fast på trua og det gode dei har lært. Dydane for eit godt liv, bed han dei streve etter og leve etter.

Ordet «dyd» har fått noko gammaldags over seg. Det som skulle vere fint og verdifullt, har fått motsett forteikn når ein talar om eit «dydsmønster» og «eit gudsord frå landet». Slike ord og omgrep har fått over seg det å ikkje følgje med tida, leva ufritt og vere bundne av pietistiske reglar. Noko eit moderne opplyst menneske skal fri seg frå.

Eg trur mange av dei gamle dydane treng å reinvaskast. Dei er ikkje der for å undertrykkje, men for å frigjere. Eit av dei viktigaste i vår tid er sanning. Det er så mykje løgn og halvsanningar som florerer rundt oss på nettet og i media, kva er sanning? Kan me leve med fleire sanningar samstundes? Det har vore mantraet i postmodernismen. Men korleis kan me då i kyrkja fremja bodskapen at me trur på ein sann Gud, og at Jesus Kristus er sann Gud av sann Gud. Dersom alle sanningar vert relativiserte, då vil me leve i mørket. Jesus seier at han er ljuset for verda, og at sanninga skal gjere dykk frie.

Er det nokon gong me treng å frigjerast frå løgnarane sine maktmisbruk, er det no. Sanninga høyrer og saman med fred, rettferd og omsut for dei svakaste. Når Paulus då og i 1. Kor. 13.13 løfter fram tru, von og kjærleik, skriv han at størst av dei er kjærleiken. Det er fordi sann kjærleik ber i seg dydane om kva som er godt og rett. Då skapast det samhold og glede. Me høyrer til i den store familien som kryssar alle landegrense, språk, kulturar og raseskilje. Me bur på ein liten klode i eit stort univers. Me er avhengige av kvarandre, så driv me i staden og krigar og øydelegg livsgrunnlaget vårt.

Pave Frans skriv i sin nyaste bok «LIFE My Story Through History» om korleis han i alle sine møte med leiarane i verda, manar til fred og samhold. Han vart prestevigd i Argentina i 1969, same året som dei første menneska sette foten på månen. Det var ein historisk augneblink, der folk i alle land satt framfor TV-skjermen og fylgde med. Denne bragd samla oss på tvers av alle skiljelinjer, men det var noko anna samstundes. For første gong kunne mennesket sjå seg sjølv bokstaveleg utanfrå. Det gjorde oss audmjuke. Gud skaparen vart så mykje større. Me som i denne stund hadde gjort ein stor bragd som me kunne rosa oss av, vart vare kor små me eigentleg er.

Det me verkeleg har å rosa oss av, er kven me er i Gud, han som gav oss livet, og alle ressursane til å leva. Dette må me for alt i verda ikkje skusla bort. Vi må stå saman, dele og ikkje øydelegge. Dette må verte ein dyd som på ny samlar verda på tvers av alle skiljelinjer.

**God sommar!
Helsing Edvard Bø**

UTEGUDSTENESTER I SOMMAR

Skarvastølen (Bergsdalen)

60.552971, 5.998969

Søndag 7. juli kl. 15.00

Stølgudsteneste ved Skarvastølen, som ligg ved Bergsvatnet. Parkering ved betongbrua. Det tek om lag 15 min å gå.

Vert ikkje vêret bra nok møtast me i lavvuen på Småbrekke. Har du spørsmål om turen kan du kontakte Frode Kvamsøe (90 19 65 14).

Leiro (Eidsland)

60.736280, 5.845531

Måndag 29. juli kl. 18.00

Olsokstemna på Leiro. Dette er ein fjellgard ovanfor Myster på Eidsland, og det tek ein dryg time å gå opp for dei som er i rimeleg god form. Det er nokre bratte parti, og ein går somme stader på relativt smale stiar. For dei som vil ha nokon å gå saman med er det felles avgang kl. 16.30 frå Sauefjøset på Myster.

Vert ikkje vêret bra nok møtast me i kapellet. Har du spørsmål om turen kan du kontakte Frode Kvamsøe (90 19 65 14).

Beinhelleren (Eksingedalen)

60.855905, 6.183390

Søndag 11. august kl. 12.00

Utegudsteneste Det tek ca. 15 minutt å køyra frå Nesheim til Beinhelleren, på Fv. 5398 i retning Gullbrå. Etter å ha køyrt over Trefallbrua tek ein til venstre inn på Holskarvegen. Dette er ein anleggsveg som har grusdekke. Det er ca. 3 km til Beinhelleren frå krysset ved brua. Ein finn staden ved å søkje på «Holskarvegen 370» på internett.

Vert ikkje vêret bra nok møtast me i Nesheim kyrkje. Har du spørsmål om turen kan du kontakte Magnar Nese (97 58 83 03).

Messehagen (Dale)

60.588406, 5.820410

Søndag 25. august kl. 12.00

FEST PÅ KJERKA

«Fest på kjerka» er eit uttrykk frå Sjømanns-kyrkja sitt arbeid rundt om i verda, og me freistar å få fram same kjensla når me skipar dette til i Messehagen kvart år. Sjømanns-kyrkja vert representert og set sitt preg både på gudstenesta og kyrkjekaffien. I gudstenesta vert og komande års konfirmawntar presenterte.

Vert ikkje vêret bra nok møtast me i kyrkja. Har du spørsmål kan du kontakte Frode Kvamsøe (90 19 65 14).

Sjekk heimesida (kyrkja.no/vaksdal) og Facebook for oppdatert informasjon

Min salme

Det er Ove Alvheim som har skriva om sin salme denne gongen. Han er frå Stanghelle, og var i fleire år kyrkjetenar på Dale. No bur han på Osterøy.

Når eg høyrer eller les orda i fyrste verset tenkjer eg at ho som skreiv denne songen må ha hatt ei fantastisk oppleving av Gud, ei openbering av glede. Som at ho har fått noko som hjarta skjønar – men ikkje hjernen. Det er som å sitje ringside med ein person som har opplevd noko stort med Gud, og at det ho fortel kjem frå hjarta.

Og når du overgjev deg til Gud, når du gjev Han alt – ja, så vinn du alt. Du får del i eit æveleg liv som byrjar alt no: «Evighetsdagen herlig opptrant».

Pappen min - Odd Alvheim - song ofte den songen for andre, på møter ved andakt 17. mai og tenning av julegran. Eg blei flau og syntes det var pinleg og vart lei den songen. Men etter som eg blei eldre skjønna eg at dette var ein viktig song for han – det vart hans song. Etter kvart når teksten slo rot i hjarta mitt er det blitt min og. Grunna på teksten så ser du og litt av det du har i Jesus.

Salige visshet

Norsk Salmebok nr. 490

T: Fanny Crosby 1873 O: Til norsk 1909

M: Phoebe Knapp 1873

1 Salige visshet Jesus er min!
Han er min hyrde kaller meg sin.
Salige visshet! Allting er vel.
Jesus har kjøpt meg, legem og sjel!

Refreng:

Han er min glede, han er min sang,
ham vil jeg prise livsdagen lang.
Ham skal jeg evig love hos Gud,
han er min brudgom jeg er hans brud

2 Allting jeg gav ham, allting jeg vant,
evighetsdagen herlig opptrant,
himelen er åpen, engler fra Gud,
bringer til jorden kjærlichets bud

Refreng

3 Nå kan jeg hvile fullkommen glad,
veien er banet inn til Guds stad,
hjertet er rensset, skylden betalt,
selv er jeg intet, Jesus mitt alt.

Refreng

Ove har utfordra Asbjørn Lavik til å skriva «Min salme» til neste gang.



LES PETITS CHANTEURS DE SAINT ANDRÉ: Fransk barnekor med medlemmer i alderen 7 til 18 år.

Dale får besøk av eit fransk barnekor i sommar!

Koret Les Petits Chanteurs de Saint André har 64 medlemmar i alderen 7 til 18 år.

Songarane utviklar sitt potensiale ved ei krevjande musikalsk trening; dei øver to gonger i veka og opptre jamnleg i Frankrike og i utlandet. Sidan 1987 har koret sunge i 23 land. I sin omtale av seg sjølv skriv koret vidare:

- Koret er meir enn noko anna ein stad der borna vert utdanna. Takka vere synginga utviklar koristane ein smak for det vakre og for å arbeide godt, ein smak for å gjere ein innsats og å vere uthaldande, ein smak for det heilage og samstundes for teneste og å gje glede. Dei

freistar å leve ut eit ideal: Å så fred gjennom songen så vel som deira daglege liv. Dei ynskjer at konsertane deira skal vere eit budskap om håp og ei oppmuntring for alle.

Koret syng både på fransk og engelsk, og syng songar av mellom andre Eric Clapton, Dietrich Buxtehude og Johan Pachelbel.

Konserten er i Dale kyrkje fredag 12. juli kl.19.00. Informasjon om billettar m.m. vert publisert seinare.

Konsert i Dale kyrkje laurdag 21. september kl. 19.00

TABULA RASA

Tabula Rasa er eit profesjonelt vokalensemble, og vart starta av Tord Kalvenes i 2017.



TABULA RAS: Tabula Rasa held konsert på Dale.

Foto: Zsigmond Zseni

Sidan mai 2019 har Arild Røhde vore musikalsk leiar. Ensemblet har som mål å fremja tidleg musikk og ny klassisk vokalmusikk, med fokus på norske komponistar. I konserten på Dale framfører dei bestillingsverket TID. Det er

komponert av Knut Vaage til vokalensemblet og Jostein Stalheim (akkordeon). Idéen til verket kom frå ensemblet, der det ofte vert jobba med konseptuelle produksjonar i skjeringspunktet mellom notert materiale og improvisasjon.



ANDAKT: Thor Olav har andakt på Daletunet. Ved pianoet Organist Frode Vik.

Praksisstudent i Vaksdal

Thor Olav Gullbrå er for tida i praksis i Vaksdal to veker før sommarferien og to veker i haust.

Då skal han fylgje prestane i Vaksdal i deira arbeid. Han skal både observere og ha opp-gåver som andaktar og preik. Etter planen skal han

og vere litt med i konfirmanarbeidet i haust.

Thor Olav er student på prestestudiet på NLA Høgskulen i Bergen. Han er gift med Hanna Gullbrå frå Gullbrå, og dei bur i Nesttun-området.

**TRENG DU NOKON
Å SNAKKE MED?**

Ring eller skriv: Vi er her. Alltid. kirkens-sos.no

SOS
22 40 00 40

SOS
CHAT

SOS
MELDING

**KIRKENS
SOS**

Vår mann på Moster! Eller på Vaksdal, for å vere meir presis

I år feirar me tusenårs-jubileet for den såkalla Kristenretten.

Han var og ei regulering av kva samfunnet skulle halde for rett og gale, og hadde særleg mykje å seie for barn, kvinner og fattige. Me feirar og 750-årsjubileet for Landslova, som Magnus Lagabøter har fått æra for. Den store bragda er kan hende nett at lova vart motteken og akseptert både blant fattige og rike, av leiarane i Noreg og av dei som vart leia. Landslova vart ikkje til ut av inkje. Før den var skriven ned fanst det ulike lover ved ulike ting. Desse tinga kjenner med i dag som lagrettar. Til dømes Gulating og Frostating. Det revolusjonerande ved landslova var at den evna å konsolidere lova, det vil seie samle og tydeleggjere ei felles lov for heile Noreg. Landslova vart delt opp i ulike delar, som omhandla ulike typar rett. Lova stadfester menneskeverdet; eit liv er ukrenkeleg, heilag. Samstundes innfører lova reglar for odel og handel. Desse reglane førte til ei sams forståing av handel og eigedom, noko som bidrog til alminneleg lov og orden. Lova stadfestar òg at Noreg skal ha ein konge, ikkje to eller tre. Igjen bidrog dette til stabilitet.

Ein sentral person då desse jubilea vart feira på Moster fyrste helga i juni er Jørn Øyrehagen Sunde. Jørn skal vere kjent for dei fleste i Vaksdal gjennom arrangement og omtale i avisene. Han er jurist og rettshistorikar frå Uskedalen i Kvinnherad, men har budd på Vaksdal i fleire år no. Jørn har hatt føredrag for Kyrkjemøtet om desse tema, og like eins for prestane og andre tilsette i Bjørgvin bispedøme. Og det er nok dekkjande å seie at han har reist – og framleis

reiser - land og strand rundt med desse foredraga.

Jørn har skrivne boka *Kongen, lova og landet*, som kom ut i fjor. På Vaksdal var det bokbad 18. april i Vaksdal samfunnshus, der det mellom anna var samtale mellom Jørn og Elizabeth Gjessing.

29. mai samla Jørn om lag 100 tilhøyrarar i Vaksdal kyrkje, og snakka då om kor han snakka om kristenretten og Landslova – og ikkje minst om «Guds fire døtre». Finn gjerne fram førre nummer av Kyrkjebladet for Vaksdal for lese meir om dette, eller sjekk ut heimesidene til Bjørgvin bispedøme: kyrkja.no/ bjorgvin

Jørn slepp ikkje unna ein liten prat med Kyrkjebladet i samband med desse jubilea:

Kor mange foredrag har du halde om desse tema i denne runden?


Eg har hatt heile 75 foredrag om Kristenretten på Moster og Landslova av 1274 sidan januar. I tillegg har eg dei siste 10 år hatt mellom 10 og 20 foredrag i året om desse lovane, så det byrjar å verta ganske mange.

Og du byrja ikkje å bli lei?

Nei. Eg hadde vorte lei om det var same publikum kvar gong. Men kvart publikum får sitt foredrag som er noko annleis både i innhald og form. Det gjer at eg må tenkja gjennom ting på ny, og oppdagar noko nytt for kvart foredrag. Difor er det framleis moro.

Kor ser du tydelegast spor etter Kristenretten og Landslova i Noreg i dag?

At vi over tid har handsama



JURIST OG RETTSHISTORIKAR: Jørn Øyrehagen Sunde frå bokbadet på Vaksdal. Foto: Linda Lien

våre medmenneske mindre og mindre etter deira funksjonalitet, og meir og meir etter deira menneskeverd. Det gjer at vi har betre ordningar for barn, dei funksjonshemma og dei eldre enn nokon gong.

Har me mista noko på vegen – er det nokre av dei gamle lovane du saknar?

For å sikra at alle vert handsama likt, er mykje omsorg i dag institusjonalisert. Det er bra. Men vi kan lett mista av syne at den viktigaste omsorga likevel alltid vil vera den vi gjev våre medmenneske. Dette er ei årsak til at einsemd har vorte eit stort samfunnsproblem.


Tekst/intervju: Frode Kvamsøe og Thor Olav Gullbrå



ENGASJERT: Ein engasjert føredragshaldar i Vaksdal kyrkje.



SLUTT: Stanghelle bedehus.



GUDSTENESTE: Siste gudsteneste, 25. februar.



SISTE MØTE: Stanghelle bedehus 8. mai 2024. Kilden syng.

Slutt for Stanghelle bedehus

Stanghelle bedehus er mellom bygningane på Stanghelle som må vike plass for ny jernbane. Bane Nor har no teke over bedehuset, og det er no slutt på møteverksemd og gudstenester i bygningen.

Bedehuset vart vigsla og tek- en i bruk i 1980, og er såleis

eit relativt nytt bedehus. Opp igjennom åra har det vore barnelag og søndagsskule der, like eins juletefestar og basarar. Huset har og vore utleigd til festar og andre arrangement i privat regi, samt til konfirman- tarbeidet i Vaksdal. I mange år var det barnehage – Løvetanna barnehage - i fløyen der kjøk-

kenet var. Fotolaget hadde i mange år tilhald i den same fløyen, og kjellaren har vore utleigd til lager.

Men no er det altså slutt. Søndag 25. februar vart det halde guds- teneste for siste gong der, og det siste tradisjonelle bedehus- møtet var onsdag 8. mai. Då

var koret Kilden med og song. Møtet vart avslutta med kvelds- mat, og fleire som var med der nytta høvet til å fortelje om sine minner frå bedehuset. Dale og Stanghelle indremisjon flyttar no all si møteverksemd til Dale bedehus, inkludert møta i be- dehusforeninga.

Konfirmantjubiläum til hausten

Stamnes

Har ikkje konfirmantjubiläum i år.

Dale

Søndag 6. oktober kl. 11.00

for årets 50- og 60-årskonfirman- tar. Gudsteneste i kyrkja, og festsamkome i bedehuset etterpå.

Vaksdal

Søndag 13. oktober kl.11.00

for årets 50- og 60-årskonfirman- tar. Gudsteneste i kyrkja, og festsamkome i bedehuset etterpå.

Sokneråda sender innbyding til dei som står i kyrkjeboka som konfirman- tar dei aktuelle åra. Men då somme har byta etter- namn sidan den gong, eller av andre grunnar er vanskelege å få tak i, er det ikkje sikkert ein når alle. Så ta kontakt med soknerådet (sjå s. 2) viss du saknar innbyding.





Desse sidene er avsett til trusopplæringa i Vaksdal, som me kallar Vegene i Vaksdal. Det er sjølvsgagt livs- og trusvegen det handlar om, og målet om at alle som er døypte eller tilhøyrande Den Norske Kyrkja skal bli invitert til eit tilbod i kyrkja sin regi minst ein gong i året, til dei fyller 18 år.

Fylg Vegene i Vaksdal på Facebook! 

Borna sin påskedag i kyrkjene

Palmesundag inviterte me til Borna sin påskedag i Dale og Eksingedalen kyrkjer. Sjuåringar var spesielt inviterte, og alle andre var sjølvsgagt velkomne òg! Dei som var til stades fekk oppleva påskeforteljinga enkelt dramatisert ved at Edvard prest gjekk i rolle som Jesus (i kvar si kyrkje), og dei som var i kyrkja fekk òg på sitt vis vera med på det som hende, om det var å vifta med palmegreiner på palmesundag, få føtene «vaska» på skjærtorsdag, eller koma med blomar til grava på påskedag. Etterpå fekk dei som villa laga seg sommarfuglar. Sommarfuglen er gjennom ulike stadie før den blir sommarfugl, og det kan vera eit symbol på det som hende med Jesus i påska.

Gudsteneste på Skipshelleren



SKIPSHELLEREN: Under helleren sit me tørt uansett ver.

Nyleg kom ein fin gjeng av årets åtteåringar til Vaksdal kyrkje for å bli tårnagentar. Fyrst måtte alle seia eit passord, for å koma fram til der dei fekk agentkortet sitt – med eige fingeravtrykk sjølvsgagt!

Med agentkort rundt halsen og ein eigen agentbevegelse på plass, fekk agentane ulike oppdrag dei skulle løysa, og dei var både øvst i tårnet (der dei møtte Ottar kyrkjetenar), på orgelet der organist Ruben spelte til dei, og dei fekk prøvespela sjølv òg, og på symboljakt rundt i kyrkjerommet.

Flaggermussuppa gjekk ned på høgkant, og sundagen song dei kjekke agentane tårnagentsongen av full hals!

Baby- og småbornssong, knøttesong og generasjonssong

Me har også i vår hatt samlingar i Dale bedehus og Vaksdal kyrkje, med baby- og småbornssong for born 0-2 år på føremiddagen, og knøttesong for born 1-5 år på ettermiddagen. På Stamnes har me hatt baby- og småbornssong ein torsdag formiddag i månaden, i bedehuskjellaren. Det har vore fint å treffa både nye og kjende, og at kyrkjene kan vera ein møteplass for småborn og foreldre deira! Ekstra fine er kanskje samlingane med generasjonssong som me har hatt på Dalletunet og Vaksdal sjukeheim ein gong i månaden, det er kjekt å sjå kor mykje glede borna spreier til alle dei møter. Takk for i vår, til alle som har vore med!



GENERASJONSSONG:
Vakre menneskemøte på generasjonssong!


Foto: Maren Thorkildsen



LUKAS 24: 1-12
vegen
 VAKSDAL.KYRKJA.NO

BORNA SIN PÅSKEDAG EKSINGEDALEN:
 Den vakre kyrkja i Eksingedalen rigga til Borna sin påskeda.

Etter skuletid og Onsdagsklubb i Vaksdal og Dale



ONSDAGSKLUBB: Forteljinga om Jesus (over) som stiller stormen blei illustrert på spennande vis på onsdagsklubben.

ETTER SKULETID: - Me et alltid (til venstre) varmt måltid på Etter skuletid, og denne gongen tok me tomatsuppa ute!

Kvar onsdag har me hatt Etter skuletid for 5.-7. trinn og Onsdagsklubb for 1.-4. trinn på vekselvis Dale og Vaksdal. Der blir me betre kjend, og har det kjekt ilag!



KVA SKJER PÅ VEGEN VIDARE?

25. august (Dale) og 1. september (Vaksdal)

6 år

Skulevegensamlingar

Me har fleire år hatt «skulevegensamlingar» som ein del av gudstenester der årets seksåringar har fått innbyding til gudstenester der dei har fått utdelt bøker. Dette prøver me oss på igjen i år, og ynskjer velkomen årets skulestartarar til gudstenester i dei lokale kyrkjene sine. Innbyding kjem når det nærmar seg!

Onsdagar frå 28. august

0-2 år

Baby- og småbornssong på Dale og Vaksdal

I haust er det baby- og småbornssong vekselvis på Dale (oddetalsveker) og Vaksdal (partalsveker) på onsdagar kl.11.30-13.30. Me startar opp onsdag 28. august i Dale bedehus fyrst, og heldt fram med samling i Vaksdal kyrkje onsdagen etterpå. Slik vil det rullera ut november, med unntak av pause i haustferieveka. Sjølv songstunda byrjar ca klokka 12, og før og etter er det prat, mat og leik. Håpar på å sjå både kjende og nye fjes, alle er hjarteleg velkomne! Fylg med på facebook-sida «Babysong, småbornssong og knøttesong i Vaksdal» for oppdatert informasjon om samlingane.



Onsdagar frå 28. august

1-5 år

Knøttesong på Dale og Vaksdal

Knøttesong for born 1-5 år vert òg annakvar onsdag på Dale (oddetalsveker) og Vaksdal (partalsveker), klokka 17-18. Me syng og leikar, og et litt etterpå. Me har drikke og frukt, ta gjerne med niste om de ynskjer å eta kvelds saman med oss. Fylg med på facebook-sida «Babysong, småbornssong og knøttesong i Vaksdal» (sjå qr-kode) for oppdatert informasjon om samlingane.



Onsdagar frå 28. august

5.-7. trinn

Etter skuletid på Dale og Vaksdal

På onsdagar, rett etter at skulen er ferdig, 14-15, for borna på mellomtrinnet. Me tenkjer det mest som ein uformell møtestad etter skuletid, der borna får enkel varmmat (oftast pølse i brød) og kan spela spel eller gjera ulike hobbyaktivitetar, eller berre prata og slappa av om dei vil det. Som fleire andre samlingar vert det vekselvis i Dale bedehus (oddetalsveker) og Vaksdal kyrkje (partalsveker) med unnatak av haustferieveka.

Onsdagar frå 28. august

1.-4. trinn

Barnekor på Dale og Vaksdal

Me har til no hatt «Onsdagsklubb» for denne aldersgruppa på ettermiddagen, men ynskjer å erstatta denne samlinga med barnekor. Me har ikkje heilt setla korleis dette blir, så følg gjerne med på Facebooksida «Vegen i Vaksdal» (sjå qr-kode) der me vil leggja ut meir informasjon når me har det.



Torsdagar frå 5. september

4+

Barnekor på Stamnes

Det er òg barnekor på Stamnes som tidlegare. Dei brukar å ha korøving i Stamnes bedehus torsdagar kl 17-18, og startar opp 5.september. På koret syng me nye og kjende songar, me får vera med på ein andakt, og så leikar me til slutt! Interesserte kan vera med i facebook-gruppa «Stamnes Barnekor» for å få oppdatert info.

Ein torsdag i månaden frå 5. september

0-4 år

Baby- og småbornssong på Stamnes

Også i haust vert det samlingar med kombinert baby- og småbornssong for born 0-4 år på Stamnes. På Stamnes samlast me i bedehuskjellaren mellom kl. 10 og 12 ein torsdag i månaden, desse datoane: 5. september, 3. oktober, 14. november og 5. desember. Fyrst er det songsamling, deretter er det ein lett lunsj, me har varm drikke, ta gjerne med niste 😊

Ein tysdag i månaden frå 10. september

Generasjonssong på Vaksdal og Dale

I samarbeid med Vaksdal frivilligsentral arrangerer me Generasjonssong på sjukeheimane på Dale og Vaksdal ein tysdag i månaden. Her inviterer me dei yngste (ca 0-2 år) og eldste i kommunen til å koma saman til ei sanserik samling med tradisjonelle og nyare songar. Tidspunkt er 11-12 og datoar er: 10. september: Vaksdal, 8. oktober : Dale, 5. november: Vaksdal og 3. desember: Dale. Samlingane er i same etasje som hovudinngongen begge stadar. Frivilligsentralen lagar vaflar til alle som er med!

KONFIRMANT* 2025

No er påmeldinga open for dei som byrjar på 9.trinn til hausten og ynskjer å konfirmere seg i kyrkjene våre!

Du melder deg på via heimesida vår innan 23.august: kyrkja.no/vaksdal

Konfirmantopplegget startar med gudstenester der konfirmantane vert presenterte for kyrkjelyden sin dei påfølgande søndagane.

Sjå lista over gudstenester bak i Kyrkjebladet.

Me kickar i gong undervisninga med konfirmantleir i september, før det er undervisning i smågrupper annakvar veke rett etter skulen i oktober - mars.

Alle i aldersgruppa som er medlem i Den norske kyrkja får brev i posten om dette.

Ta kontakt med oss viss du ikkje får brevet men likevel vil vere konfirmant.

Vil du vita meir om konfirmantopplegget før du melder deg på har me eit **orienteringsmøte torsdag 22. august klokka 18-19 i Dale kyrkje.**

De kan og senda spørsmål til oss på mail: vegen.vaksdal@kyrkja.no eller ringje Kyrkjekontoret på telefon 56 59 39 20.



PRELUDIUM 2

Du kan kjøpe boka her:

- # Petersens Handleri
- # Dale kyrkje
- # Kyrkjekontoret
- # www.zeth.no
- Pris kr 380,-



KONFIRMANT I VAKSDAL KYRKJE
4. MAI: Trusopplærar Kristin Straume Normann, Jon-André Hernandez, Holmquist og sokneprest Edvard Bø. Foto: Privat



KONFIRMANTAR I BERGSDALEN KYRKJE
19. MAI: Frå venstre: Håkon Berge, sokneprest Frode Kvamsøe og Marius Pettersen. Foto: Janne Berge



KONFIRMANTAR I STAMNES KYRKJE
12. MAI: Framme, frå venstre. Trusopplærar Kristin Straume Normann, Tilde Vik-Kaland og sokneprest Edvard Bø. Bak, frå venstre: Mikael Gravdal, Salomon Straume Bah og Elias Hvidsten Hesjedal. Foto: Solfrid S. Bah



KONFIRMANTAR I VAKSDAL KYRKJE 5. MAI: Framme, frå venstre: Ådne Hauståker, Selma Audestad Sæterdal, Tiril Sæterdal, sokneprest Edvard Bø, trusopplærar Kristin Straume Normann, Signe Netland Magnussen, Nora Alexandra Simmenes Simbana. Bak frå venstre: Oline Krogsrud Brekken, Fillip Martin Gapo Solheim, Leon Sebastian Knutsen-Larsen, Glenn Severin Andersen Vinsrygg, Markus Andre Andersen Vinsrygg, Iben Stammeshagen Lekve, Mathias Walde Bjørsvik, Henrik Tveito Olsnes, Lucas Røseth Kolbeinsvik, Tobias Knutsen Molund, Mathias Ulveseth Herfindal, Sandra Nergård. Foto: Janne Berge



KONFIRMANTAR I DALE KYRKJE 5. MAI: Framme, frå venstre: Jenny Slettebø Wefring, Emma Marie Pedersen, Elise Vinje Hamre, sokneprest Frode Kvamsøe, Hedda Sigurdson Aschehoug, Maja Nummedal-Rolland og Mari Hesjedal-Johannessen. Bak, frå venstre: Bjørn Johan Leandro Myrliid-Flores, Tord Strøm Rødland, Alex Nottveit Kalvik, Isak Olsnes Soltvedt, Mathea Fauske Kjøndal, Leon Alexander Antonesen Boge, Alexander Laskowski Andersen og Sondre Berentsen Sandvik. Foto: Janne Berge

tovi
Elektro

Tlf. 417 94 104
E.post: tommy@tovielektro.no

ARNPRO

Tlf. 56 53 00 60 • www.arnpro.no

ATLANTIS
VVS & INTERIØR

Din lokale rørlegger i Vaksdal

95 97 17 00



eviny



DALETEC

**Sæterdal
Elektro**

Me leverer alt innan
elektrikartenester.
Tlf. 565943 00

 **SparebankenVest**
– satsar på Vestlandet

Tlf 56 59 39 00 - www.spv.no



**Alt innan
tømrararbeid**

Tlf. 922 65 739
post@falkangerbygg.no

**Falkanger Bygg er
forhandlar av Idéhus**
Sjå Idehus.no

IdéHUS
BYGGER PÅ GODE IDÉER

AUTORISERT TELE- OG ELEKTROENTREPRENØR

**Vangen
Elektriske**

HAR DU BRUK FOR EIN FAGMANN?

- Elektro svak- og sterkstrøm
- Alarmanlegg
- Brannvarsling
- Teleinstallasjonar
- Adgangskontroll

Tlf. 56 52 36 66 - www.vangen-elektriske.no



Bergsdalstunet

- Selskap
- Levering av mat
- Minnesamvære

Tlf. 93 213 213



Døype barnet - eller bli døypt sjølv?

Ver velkommen til dåp!
Ta gjerne kontakt med oss:

Telefon: 56 59 39 20
Epost: kyrkjekontoret.vaksdal@kyrkja.no
Post: Postboks 113, 5721 Dalekvam
Kom innom: Fabrikkvegen 3 på Dale
Heimeside: www.vaksdal.kyrkja.no

Tidlegare fekk me melding om alle nyfødde, og kunne sende innbyding til dåp. No får me ikkje den informasjonen, og kan difor ikkje sende innbyding til dåp direkte.

 DEN NORSKE KYRKJA
Kyrkjelydane i Vaksdal

Vaksdal

BLOMSTER OG
BEGRAVELSESBYRÅ
- omsorg ved livets slutt -

DITT LOKALE BYRÅ SIDAN 1984

DØGNVAKT: 56 59 74 70
WWW.VAKSDALBEGRAVELSE.NO

 NORDHORDLAND
BEGRAVELSESBYRÅ

Ditt lokale
gravferdsbyrå

AVD. VAKSDAL
ALLTID HER FOR
deg

 
Ann-Elin M. Gullbrå Marit M. Alnheim

DØGNVAKT 56 99 25 70 - WWW.NORDH-BB.NO
Me har lokalt kontor i Elvavegen 1, 5722 Dalekvam

LIVETS GANG

 DØYPTE**Dale**

- 13.01 Linnea Skjerve (døypt på Stamnes)
21.04 Olai Faugstad Langeland
26.05 Fredrik Stasiuk Andersen (i Florø kyrkje)
09.06 Ameline Fotland-Hesjedal

Stamnes

- 03.12 Martin Ulveseth Stamnes
13.01 Linnea Skjerve

Vaksdal

- 19.05 Isabell Skånevik Vasstveit

 VIGDE**Dale**

- 19.05 Silje Andreassen og Gunnar Århus
25.05 Vilde Ragnvaldsen og Sigve Myster Dyvik

**DØDE**

med kyrkjeleg gravferd/bisetjing

Dale

- | | | |
|-------|--------------------------------|------|
| 01.04 | Solfrid Langhelle | 1936 |
| 23.04 | Alf Magnar Holme | 1949 |
| 24.04 | Aud Grethe T. Svensson | 1945 |
| 01.05 | Aud Mehus | 1933 |
| 05.05 | Nora Johanne Hop Danielsen | 1930 |
| 06.05 | Aslaug Hesjedal (i Bergsdalen) | 1928 |

Eidsland

- | | | |
|-------|------------------------|------|
| 01.05 | Vigdis Brattebø Møster | 1956 |
|-------|------------------------|------|

Nesheim


- | | | |
|-------|----------------|------|
| 30.03 | Bergit Gullbrå | 1929 |
| 02.04 | Arne Nesheim | 1943 |

Stamnes

- | | | |
|-------|---------------------|------|
| 07.04 | Sigrunn Samuelsen | 1957 |
| 24.04 | Lars Mikael Stamnes | 1937 |

Vaksdal

- | | | |
|-------|-------------------------|------|
| 21.03 | Ester Langhelle | 1936 |
| 24.03 | Kari Faugstad Hausvik | 1949 |
| 28.04 | Astrid Johanne Amundsen | 1940 |
| 16.04 | Johannes Skulstad | 1932 |
| 17.05 | Kåre Steinsbø | 1945 |



VELKOMEN TIL KYRKJA

Søndag 23. juni - 5. søndag i treeiningstida

VAKSDAL KYRKJE kl. 11.00.

Gudsteneste ved Bø. Nattverd. Kyrkjekaffi.

Søndag 30. juni - 6. søndag i treeiningstida

DALE KYRKJE kl. 18.00.

Gudsteneste ved Bø. Nattverd.

Kyrkjekaffi frå kl. 17.00

Søndag 7. juli - 7. søndag i treeiningstida

SKARVASTØLEN (i Bergsdalen) kl. 15.00.

Stølgudsteneste ved Bø.

Sjå omtale ein anna stad i Kyrkjebladet.

Søndag 14. juli - 8. søndag i treeiningstida

VAKSDAL KYRKJE kl. 11.00.

Gudsteneste ved Bø. Nattverd. Kyrkjekaffi.

Søndag 21. juli - 9. søndag i treeiningstida

STAMNES KYRKJE kl. 18.00.

Gudsteneste ved Kvamsøe. Nattverd.

Søndag 28. juli - 10. søndag i treeiningstida

DALE KYRKJE kl. 11.00.

Gudsteneste ved Kvamsøe. Nattverd. Kyrkjekaffi.

Måndag 29. juli - Olsok

LEIRO (Eidsland) kl. 18.00. Olsokstemna ved Kvamsøe.

Felles avgang frå Myster kl. 16.30.

Sjå omtale ein anna stad i Kyrkjebladet.

Søndag 4. august - 11. søndag i treeiningstida

Ingen gudstenester i Vaksdal.

Søndag 11. august - 12. søndag i treeiningstida

BEINHELLEREN (Trefall) kl. 12.00.

Utegudsteneste ved Kvamsøe.

Sjå omtale ein anna stad i Kyrkjebladet.

VAKSDAL KYRKJE kl. 19.00.

Gudsteneste ved Kvamsøe. Nattverd.

Søndag 18. august - 13. søndag i treeiningstida

EKSINGEDALEN KYRKJE kl. 11.00.

Gudsteneste ved Bø. Nattverd.

Søndag 25. august - Vingardssøndagen

MESSEHAGEN (Dale) kl. 12.00.

Fest på kjerka! Vegen-gudsteneste i samarbeid med

Sjømannskyrkja, ved Kvamsøe og Øystese. Konfirmant-

presentasjon og markering av skulestart for 6-åringane. Kyrkjekaffi.

STAMNES KYRKJE kl. 18.00.

Gudsteneste ved Bø. Nattverd.

Søndag 1. september - 15. søndag i treeiningstida

VAKSDAL KYRKJE kl. 11.00.

Vegen-gudsteneste ved Bø og Normann. Nattverd. Konfirmant-

presentasjon og markering av skulestart for 6-åringane. Kyrkjekaffi.

Søndag 8. september - 16. søndag i treeiningstida

BERGSDALEN KYRKJE kl. 11.00

Bergsdalsstemna. Gudsteneste ved Kvamsøe.

Nattverd. Kyrkjekaffi og samling i kyrkja etterpå.

Søndag 15. september - 17. søndag i treeiningstida

DALE KYRKJE kl. 11.00.

Gudsteneste ved Bø. Nattverd. Kyrkjekaffi.


NESHEIM KYRKJE kl. 11.00.

Gudsteneste ved Kvamsøe. Nattverd. Kyrkjekaffi

Oppdaterte opplysningar fom gudstenestene finn du her:

Annonsar i lokalavisa same veka, på plakatar, på kyrkja.no/vaksdal og på skjerikyrkja.no

Ta kontakt med kyrkjekontoret ved ynskje om dåp.



Gjør reisen til utlandet tryggere



Last ned
Sjømanskirkens
nødnummer-app